

Sal jy barmhartig wees?

Instruksies: Doen hierdie oefening op 'n stil plek. Stel jou voor dat jy die gebeure sien plaasvind terwyl jy die tekste lees. Visualiseer die toneel. Hoor die stemme. Ervaar die emosies van die karakters. Leef jou in die verslag in.

Hoofkarakters: 'n Joodse man, 'n priester, 'n Leviet en 'n Samaritaan

Opsomming: 'n Storie wat Jesus vertel het oor 'n Samaritaan wat 'n beseerde Jood gehelp het.

1 DINK NA OOR DIE TONEEL.—LEES LUKAS 10:29-37.

Beskryf hoe jy dink die pad tussen Jerusalem en Jerigo gelyk het.

Beskryf die gesigsuitdrukings van

die priester en die Leviet: _____

die barmhartige Samaritaan: _____

Wat dink jy was die stemtoon van die man wat “wou bewys dat hy regverdig is”?
(Lees verse 25 en 29.)

2 DELF DIEPER.

Waarom was Jesus se toehoorders dalk verbaas dat 'n Samaritaan 'n Jood gehelp het? (Lees Johannes 4:9.)

Hoe het die priester en die Leviet dit dalk probeer regverdig om nie die beseerde Jood te help nie?

Waarom dink jy het Jesus 'n storie vertel eerder as om 'n direkte antwoord te gee op die man se vraag in Lukas 10:29?

3 PAS TOE WAT JY GELEER HET.

Skryf neer wat jy geleer het oor . . .

Wat dit beteken om barmhartig te wees.

Hoe om liefde vir jou naaste te toon.

4 VRA JOU AF.

Hoe moet ek mense van ander rasse of nasionaliteite beskou?

Wat sal barmhartigheid my beweeg om te doen as ek sien dat iemand my hulp nodig het?

Watter les uit hierdie verslag is vir my die belangrikste, en waarom?

Voorstel: Teken 'n reeks eenvoudige prente wat die gebeure in hierdie Bybelverhaal weergee. Beskryf wat in elke toneel gebeur.



Laai hierdie PDF af by www.jw.org/af en druk 'n kopie daarvan